

## Pro Infirmis tschertga soluziuns innovativas

**Metter ord via obstachels dal mintgadi – quai è la finamira da la surdada dal Cristal da Pro Infirmis da quest onn cun il tema «Nus n'ans laschain betg impedir». Umans cun in impediment, lur parents e lur personas da referiment han già la pussaivladad d'annunziar a nus lur obstachels dal mintgadi. La reacziun è stada impressiunanta. 49 obstachels dal mintgadi è vegnids inoltrads e publitgads sin la pagina-web [www.alltagshuerden.ch](http://www.alltagshuerden.ch). Ussa tschertga Pro Infirmis soluziuns creativas per quests obstachels dal mintgadi. Las meglras soluziuns vegnan undradas cun in premi.**

Obstachels ch'èn vegnids numnads pliras giadas èn ischs, ascensurs u access che umans cun in impediment na pon betg avrir a moda autonoma. Er en il sector dal traffic public existan anc adina obstachels. In pertutgà raquinta: «I dat anc adina trens cun stgalas, autos da posta u bus che porschan memia pouca piazza u tals che n'han naginas rampas. Mintgatant è il tren bain accessibel per sutgas cun rodas ed igl ha schizunt ina clappa autonoma che collia il tren cun il perrun. En tschertas staziuns è quella clappa però memia auta.»

Persunas pertutgadas rapportan era da las difficultads da chattar ina piazza da lavur. Quai mussa la suandanta situaziun: «Signur F. ha pers avant bundant dus onns sia piazza sin fundament da problems da sanadad. En consequenza è signur F. vegnì annunzià tar l'Assicuranza cunter la dischoccupaziun ed il medem mument era tar l'Assicuranza d'invaliditad. L'Assicuranza cunter la dischoccupaziun valitescha signur F. sco «betg intermediabla», a medem temp refusescha l'Assicuranza d'invaliditad d'al conceder prestaziuns da renta. Ina piazza da lavur n'ha signur F. betg chattà, malgrà sias vastas stentas e sia gronda motivaziun. La coordinaziun mancanta da las assicuranzas socialas e l'exclusiun dal martgà da lavur fan di per di gronds fastidis ad el.»

Era chaschunan las mesiras da corona che umans cun in impediment d'udida sa sentan exclus. Il suandant messadi conferma quai: «Durant la pandemia sun jau restenschida quai che pertutga la communicaziun. Cunquai che jau hai in impediment d'udida èsi per mai necessari da vesair il moviment dals lefs per pudair chapir bain mes visavi. La maschina impedescha quai e tras il visier tuni main cler.»

In ulteriur exempel pertutga ils parcadis per umans cun in impediment: «Savens vegn il parcadì per umans cun in impediment occupà d'autos da personas senza in impediment. Il dumber dals parcadis per umans cun in impediment è fitg modest. Perquai fissi giavischaivel che quels vegnissan laschads libers per las personas pertutgadas.»

Tut ils 49 obstachels dal mintgadi è vegnids publitgads sin [www.alltagshuerden.ch](http://www.alltagshuerden.ch). Anc fin ils 14 da settember 2021 pon ins proponer soluziuns pussaivlas directamain sin questa pagina-web. Las soluziuns las pli creativas ed effectivas vegnan premiadas e gudognan il Cristal da Pro Infirmis 2021. Ils 22 da november 2021 ha lieu la surdada dal premi publica en il Titthof a Cuira.

Cuira, ils 25-08-2021 / Pro Infirmis Grischun

Agiunta: maletg simbolic